



**LAW REFORM**  
COMMISSION/COIMISIÚN UM  
ATHCHÓIRIÚ AN DLÍ

# RÁITEAS STRAITÉISE

2015-2017

|   |           |
|---|-----------|
| <b>BROLLACH .....</b>   | <b>1</b>  |
| <b>RÁITEAS MISIN .....</b>  | <b>2</b>  |
| <b>FORBHREATHNÚ AR AN gCOIMISIÚN .....</b>                            | <b>3</b>  |
| <b>TIMPEALLACHT OIBRIÚCHÁIN .....</b>                                 | <b>4</b>  |
| <b>PRÍOMHCHUSPÓIRÍ .....</b>  | <b>7</b>  |
| <b>PRÍOMHCHUSPÓIR 1 - ATHCHÓIRIÚ AN DLÍ .....</b>                     | <b>8</b>  |
| Toradh .....  | 8         |
| Táscairí Feidhmíochta .....   | 8         |
| Straitéis .....   | 8         |
| <b>PRÍOMHCHUSPÓIR 2 - ROCHTAIN AR REACHTAÍOCHT .....</b>              | <b>10</b> |
| Toradh .....  | 10        |
| Táscairí Feidhmíochta .....   | 10        |
| Straitéis .....   | 10        |
| <b>PRÍOMHCHUSPÓIR 3 - RIARACHÁN .....</b>                             | <b>12</b> |
| Toradh .....  | 12        |
| Táscairí Feidhmíochta .....   | 12        |
| Straitéis .....   | 12        |
| <b>SOCRUITHE MONATÓIREACHTA .....</b>                                 | <b>14</b> |
| <b>AGUISÍN .....</b>  | <b>15</b> |
| Tionscadail a Chuimsítear sa Cheathrú Clár um Athchóiriú an Dlí ..... | 15        |

---

**BROLLACH**

---

Thar ceann an Choimisiúin um Athchóiriú an Dlí, tá áthas orm ár Ráiteas Straitéise don thréimhse 2015-2017 a chur i láthair.

Saináithnítear sa Ráiteas seo luachanna agus cuspóirí an Choimisiúin agus na straitéisí faoina dtabharfaidh siad chun a gcuspóirí a bhaint amach, chun a sainchúram a chomhlíonadh agus chun tabhairt faoina bhfeidhmeanna lena chinntiú go bhfuil dlíthe na hÉireann oiriúnach do Stát nua-aimseartha agus go bhfuil siad inrochtana do chách.

Is tábhachtach a chinntiú go leanfaidh an Coimisiún ag oibriú ar bhealach éifeachtúil agus costéifeachtúil agus an tseirbhís is fearr is féidir a sholáthar, i gcomhthráth, don phobal. Tosaíocht den Choimisiún is ea é, dá bharr, a chinntiú go bhfuil a bpróisis ailínithe, go bhfuil siad comhthacúil agus go bhfuil siad comhtháite go hiomlán.

Leagadh críochnú deiridh a dTríú Cláir, dul chun cinn suntasach breise a dhéanamh laistigh dá gCeathrú Clár agus ullmhú don Chúigiú Clár um Athchóiriú Dlí an bonn faoi obair an Choimisiúin i gcaitheamh thréimhse an Ráitis Straitéise seo.

Leanfar le hathbhreithniú agus feabhsú leanúnach a dhéanamh laistigh de mhodhanna agus de mhodheolaíocht oibre an Choimisiúin ionas go bhfeabhsófar cáilíocht sheirbhís an Choimisiúin don phobal.

Anuas air sin, leanfaidh an Coimisiún, i gcaitheamh thréimhse an Ráitis Straitéise seo, chun tabhairt faoina sprioc chun rochtain phoiblí ar líne a sholáthar ar reachtaíocht (arna leasú seachas arna achtú).

Tá muinín ag an gCoimisiún go gcuirfidh an straitéis a shaináithnítear sa Ráiteas seo ar a gcumas chun leanúint le seirbhís chuimsitheach a sholáthar don phobal agus don Stát trí leanúint leis an dlí a choimeád faoi athbhreithniú neamhspleách, neamhchlaonta agus saineolaíoch, trí mholtaí leanúnacha a dhéanamh i dtaobh athchóiriú dlí agus trí oibriú chun an dlí reatha a dhéanamh inrochtana ar líne do chách.

An Breitheamh Onórach John Quirke

Uachtarán

---

**RÁITEAS MISIN**

---

An dlí a choimeád faoi athbhreithniú neamhspleách, oibiachtúil agus saineolach, le moltaí a dhéanamh d'athchóiriú an dlí agus chun an dlí reatha a dhéanamh inrochtana do chách.

---

**FORBHREATHNÚ AR AN gCOIMISIÚN**

---

Is comhlacht reachtúil neamhspleách iad an Coimisiún um Athchóiriú an Dlí arna bhunú ag *an Acht Fán gCoimisiún um Athchóiriú an Dlí, 1975*. Tá cúigear comhaltaí sa Choimisiún – an tUachtarán, an Coimisinéir Lánaimseartha agus triúr Coimisinéirí Páirtaimseartha.

Is é ár ról an dlí a choimeád faoi athbhreithniú, le moltaí maidir le hathchóiriú a dhéanamh, go háirithe trí achtú reachtaíochta a mholadh chun an dlí a shoiléiriú agus a nuachóiriú, agus an dlí reatha a dhéanamh inrochtana do chách lena n-áirítear trí rochtain ar líne a chur a fáil ar an reachtaíocht ina riocht reatha – mar a leasaítear seachas mar a achtaítear.

Tugtar faoi ról an Choimisiúin go príomha faoi Chlár um Athchóiriú an Dlí. Tá *an Ceathrú Clár um Athchóiriú an Dlí*, a d'ullmhaigh an Coimisiún tar éis comhairliúchán agus plé fairsing, arna fhaomhadh ag Rialtas i nDeireadh Fómhair 2013 agus cuireadh faoi bhráid dhá Theach an Oireachtais é. Cruthóidh seo an bonn d'obair an Choimisiúin i gcaitheamh na chéad trí bliana amach romhainn. Ullmhófar an cúigiú Clár i rith na tréimhse seo i ndiaidh comhairliúchán fairsing poiblí. Oibríonn an Coimisiún chomh maith ar nithe ar leith a n-atreoraíonn an tArd-Aighne iad chucu faoi Acht 1975.

Tá os cionn 190 doiciméad foilsithe ag an gCoimisiún ó bunaíodh iad, ina bhfuil moltaí le haghaidh athchóiriú dlí agus tá iad seo go léir ar fáil ar láithreán gréasáin an Choimisiúin, [www.lawreform.ie](http://www.lawreform.ie). Chuir go leor de na tograí seo go mór le forbairt agus achtú na reachtaíochta leasaithe.

Tá ról ag an gCoimisiún i bhfeabhas a chur ar an rochtain ar reachtaíocht tríd an Eolaire Reachtaíochta a choimeád (príomhinnéacs ina ndéantar athruithe ar an reachtaíocht a rianú, agus ag a bhfuil innéacsanna forlíontacha), Liosta Aicmithe Achtanna atá i bhfeidhm a fhorbairt agus a choimeád, agus líon méadaitheach os cionn 200 Acht Leasaithe a ullmhú a léiríonn go bhfuil na hAchtanna leasaithe seachas achtaithe, mar aon lena gcoimeád go dtí seo.

---

## TIMPEALLACHT OIBRIÚCHÁIN

---

Tugann an Coimisiún tús áite i gcónaí, sa timpeallacht reatha, do thabhairt faoina bhfeidhmeanna ar bhealach éifeachtúil agus costéifeachtúil agus seirbhís den scoth á soláthar don phobal, i gcomhthráth. Ní éireoidh linn mura n-oibrímid go héifeachtach le daoine eile, taobh istigh agus amuigh den tseirbhís phoiblí aron. Chuige sin, déanaimid athbhreithniú agus oiriúnú gníomhach ar ár bpróiseas comhairliúcháin d'fhonn gur féidir linn réimse níos fairsinge smaointe agus anailíse a fháil.

Déanfar monatóireacht agus athbhreithniú cúramach ar dhul chun cinn i dtreo bhaint amach na bPríomhspríocanna a leagtar amach sa Ráiteas Straitéise seo. Anuas air sin, déanfaidh an Coimisiún athbhreithniú ar threochtaí ginearálta inmheánacha agus seachtracha agus forbairtí a bhaineann lena gcuid oibre mar aon le hiad a shainaithint agus déanfaidh siad a gcur chuige a oiriúnú agus a nuashonrú faoi mar is gá i gcaitheamh shaolré an Ráitis Straitéise.

Oibreoidimid chun cultúr ár n-eagraíochta a fhorbairt agus a athnuachan tríd an Straitéis seo a chur i bhfeidhm. Anuas air sin, comhlíonfaimid ár bhfeidhm lenár gcomhpháirtithe ar fud na seirbhíse poiblí chun na hathruithe cultúir a dhéanamh a theastaíonn chun an clár athnuachana agus claochlaithe a chur i bhfeidhm atá ar bun anois faoi láthair tríd an bPlean um Athchóiriú na Seirbhíse Poiblí, 2014-2016.

Forbróimid ár gcumas inmheánach agus beimid mar eagraíocht sholúbtha fhreagrúil atá i gcónaí réidh chun sinn féin a athchumrú agus a athailíniú chun tabhairt faoi dhúshlán nua agus iad siúd atá ag teacht chun cinn.

Agus sin ag tabhairt faoinár gcumas straitéiseach, glacfaimid go hoscailte le luach saineolais speisialtóra agus bheith ag oibriú go solúbtha le comhlachtaí seachtracha, saineolaithe agus an pobal.

### **Luachanna**

Agus sin ag tabhairt faoinár ról, cuirimid béim ar leith ar roinnt bunluachanna:

- Díriú ar shaoránaigh mar na daoine ar a bhfreastalaímid
- Sármhaitheas agus neamhchlaontacht inár dtaighde
- Tiomantas do chomhairliúchán agus plé leis an bpobal acadúil, dlí agus beartais, mar aon leis an tsochaí shibhialta níos fairsinge
- Trédhearcacht agus iomláine san úsáid a bhainimid as acmhainní.

***Neamhspleáchas agus oibiachtúlacht; sármhaitheas i dtaighde; tiomantas do chaidreamh, plé agus comhairliúchán éifeachtach.***

### **Caidrimh**

Tá réimse caidreamh tábhachtach ag an gCoimisiún le daoine agus eagraíochtaí seachtracha.

Aithníonn an Coimisiún an tábhacht ar leith a bhaineann lena gcaidreamh leis an Ard-Aighne agus le hOifig an Ard-Aighne. Faoi Alt 4(2) den *Acht Fán gCoimisiún um Athchóiriú an Dlí 1975*, féadfaidh an tArd-Aighne a iarraidh go scrúdóidh agus go ndéanfaidh an Coimisiún taighde ar réimse áirithe den dlí. Nuair a thagann iarratais mar seo chun cinn, oiriúnóidh an Coimisiún a chlár oibre leis na hacmhainní is gá lena n-oibleagáidí i leith an Ard-Aighne a chur i gcrích a chur san áireamh. Is gnách gurb ábhar mór spéise don phobal iad na hábhair a chlúdaíonn na hatreoruithe siúd agus go minic éiríonn siad as tiomantais shonracha i gClár an Rialtais. I measc na nAtreoruithe a rinneadh le déanaí, áirítear pianbhreitheanna éigeantacha, uchtú idirnáisiúnta agus bunachar sonraí DNA a bhunú. Is é Ard-Stiúrthóir Oifig an Ard-Aighne an t-oifigeach cuntasáíochta don Choimisiún.

Tá dualgais sannaithe chomh maith do Choiste Comhairliúcháin, faoi choimirce Oifig an Ard-Aighne maidir le hathchóiriú dlí, lena n-áirítear cuidiú leis an Ard-Aighne ar ghnéithe sonracha den athchóiriú dlí agus monatóireacht a dhéanamh ar chur i bhfeidhm mholtaí an Choimisiúin. Is é atá sa Choimisiún ionadaithe d'Oifig an Ard-Aighne, Roinn an Taoisigh, an Roinn Airgeadais, an Roinn Dlí agus Cirt agus Comhionannais, an Roinn Post, Fiontar agus Nuálaíochta, an Roinn Sláinte agus Leanaí agus Gnóthaí Óige, Comhairle an Bharra, agus an Dlí-Chumann. Bíonn Roinn an Taoisigh i dteagmháil go rialta leis an gCoimisiún ar ábhair chomhspéise.

Tugann na breithiúna, aturnaetha agus abhcóidí cleachtacha, dlíodóirí acadúla, ionadaithe Roinne, Eagraíochtaí Neamhrialtasacha agus eagrais agus comhlachtaí agus gníomhaireachtaí reachtúla eile, saineolaithe i réimsí neamhdhlíthiúla ábhartha éagsúla, ionadaithe leasghrúpaí agus baill den phobal saineolas seachtrach agus comhoibríonn siad linn, rud atá ina bhuntáiste mór don Choimisiún.

Comhlíonann an Roinn Dlí agus Cirt agus Comhionannais ról tábhachtach ag tacú le hobair an Choimisiúin, go ginearálta agus i bhfeidhmiú mholtaí athchóirithe dlí an Choimisiúin.

Chomh maith leis an gcaidreamh thuas, bíonn an Coimisiún páirteach i gcomhroinnt faisnéise agus i bplé maidir le dea-chleachtas le gníomhaireachtaí athchóirithe dlí eile agus coimeádann siad dlúthchaidreamh leo.

## **Acmhainní**

Tá an Coimisiún tiomanta do na hacmhainní a fhaigheann siad a úsáid ar an mbealach is éifeachtaí agus is féidir lena chinntiú go gcuirtear a gcuspóirí i gcrích. Go háirithe, leanann an Coimisiún ar aghaidh ag iarraidh comhsheirbhísí a úsáid nuair is féidir. Cloítear le dea-chleachtas in acmhainní daonna agus bainistíocht airgeadais agus baintear leas as teicneolaíocht faisnéise nuair is féidir leis an bhfeidhmíocht a fheabhsú agus seirbhís a sholáthar atá ar ardchaighdeán i gcónaí ar an gcostas is ísle. Leanann an Coimisiún ar aghaidh ag gluaiseacht i dtreo ríomhfhoilsiú a úsáid níos mó leis an gcostas a bhaineann le tuarascálacha a chur i dtoll a chéile a laghdú agus leis an lucht léitheoireachta is leithne a chinntiú dá bhfoilseacháin.

Aithníonn an Coimisiún an tábhacht a bhaineann le haschur ar ardchaighdeán a chur ar fáil agus an ábharthacht agus an tábhacht leanúnach a bhaineann leis an dlí a choinneáil cothrom le dáta, inrochtana agus beacht, go háirithe i dtimpeallacht inar gá acmhainní tearca a dhíriú ar na réimsí is mó tairbhe do shaoránaigh.

## **Rannchuidiú agus Forbairt Foirne**

Is é an fhoireann príomhacmhainn an Choimisiúin. Is iad línte soiléire agus oscailte cumarsáide, sainmhíniú ar ról agus freagrachtaí, agus cur chuige bunaithe ar fhoireann na príomh-

shaintréithe chur chuige an Choimisiúin i leith rannpháirtíocht agus fhorbairt a fhoirne. Tá an Coimisiún tiomanta do dheiseanna a chur ar fáil do gach comhalta foirne le forbairt go mbainfear a lánacmhainneacht amach trí oiliúint agus forbairt agus le feidhmíocht a fheabhsú tríd an gCóras Forbartha Feidhmíochta agus Bainistíochta (CFFB) do chomhaltaí foirne den státseirbhís agus trí chóras bainistíochta agus forbartha feidhmíochta do bhaill foirne dlí.

### **Coimisinéirí**

Tá comhfhreagracht ar chomhaltaí an Choimisiúin as dul chun cinn an Choimisiúin a chur chun cinn trí cheannaireacht agus stiúrthóireacht a dhéanamh ar a gcuid imeachtaí. Tugann siad treoir straitéiseach don Choimisiún agus déanann siad monatóireacht ar imeachtaí agus ar éifeachtacht a mbainistíochta.

Ainmnítear Coimisinéir Comhordaithe i gcomhair gach tionscadal athchóirithe dlí. Téann an Coimisinéir Comhordaithe i mbun oibre ag céim thaighde an tionscadail, ag forbairt agus ag ullmhú páipéar i gcomhair a mbreithnithe ag an gCoimisiún agus ag cinntiú dhul chun cinn an tionscadail.



---

**PRÍOMHCHUSPÓIRÍ**

---

Tá trí phríomhchuspóir aitheanta bunaithe ar an anailís sa ráiteas seo agus léiríonn siad tiomantas an Choimisiúin do sholáthar don tréimhse 2015-2017. Leagfar amach na gníomhaíochtaí atá riachtanach leis na cuspóirí seo a chur i gcrích i bplean gnó an Choimisiúin. Déantar achoimre ar shocruithe monatóireachta le cinntiú go bhfuil ár spriocanna á mbaint amach sa mhír dheireanach den ráiteas straitéise seo.

---

## PRÍOMHCHUSPÓIR 1

---

### ATHCHÓIRIÚ DLÍ

Leis an dlí a athbhreithniú agus le taighde a dhéanamh d'fhonn dlí na hÉireann a fhorbairt, a shimpliú, a nuachóiriú agus a chódú.

### Toradh

Corpas oibre saineolaíoch agus ar a ndearnadh taighde críochnúil ina bhfuil moltaí i gcomhair athchóiriú dlí, atá ar fáil lena scrúdú agus lena mbreithniú, a chuireann le forbairt dlíthe atá freagrúil do riachtanais reatha agus ionchasacha shochaí na hÉireann.

### Táscairí Feidhmíochta

1. Na tionscadail ábhartha atá fágtha sa *Cheathrú Clár um Athchóiriú an Dlí* a fhorbairt agus a chríochnú.
2. Próiseas i gcomhair *an Cúigiú Clár um Athchóiriú an Dlí* a thionscnadh, a bhainistiú agus a chríochnú, lena n-áirítear an próiseas comhairliúcháin.
3. Forbairt i dtreo na tionscadail sa *Chúigiú Clár um Athchóiriú an Dlí* a chríochnú agus, nuair atá siad déanta, iarratais ón Ard-Aighne chun réimsí dlí ar leith a scrúdú.

### Straitéis

1. Athbhreithniú ar ról, feidhm agus modheolaíocht an Choimisiúin, le haird ar na hacmhainní daonna agus airgeadais atá ar fáil, leis an gcur chuige is dírithe agus is éifeachtaí agus is féidir a ghlacadh.
2. Acmhainní taighde a shannadh agus a bhainistiú go héifeachtach agus go héifeachtúil.
3. Páipéir thosaigh agus dréacht-téacsanna a fhorbairt go ndéanfaidh an Coimisiún breithniú orthu.
4. Monatóireacht a dhéanamh ar ábhar taighde dlí (a chuimsíonn anailís ar an dlí reatha agus dlí ábhartha idirnáisiúnta comparáideach) agus ar úsáid éifeachtach a bhaint as foinsí faisnéise dlí (lena n-áirítear foinsí ar líne).
5. Páipéir Shaincheistanna atá faofa ag an gCoimisiún a fhoilsiú i gcomhair comhairliúchán poiblí.
6. Tabhairt faoi phróiseas comhairliúcháin cuí agus críochnúil, agus athbhreithniú a dhéanamh ar thorthaí.
7. Dréacht-téacs de Thuarascálacha (agus, sa chás gur cuí, Páipéir Phlé) a fhorbairt i gcomhair a mbreithnithe ag an gCoimisiún.
8. Tuarascála atá faofa ag an gCoimisiún a fhoilsiú le moltaí deiridh i gcomhair athchóiriú dlí agus, sa chás go dteastaíonn sé, dréacht-Bhille.
9. Monatóireacht agus athbhreithniú ar éifeachtacht agus éifeachtúlacht an phróisis taighde dlí.

10. Rannpháirtíocht ghníomhach ag an gCoimisinéir Comhordaithe i dtionscadail aonair mar a chinnfidh an Coimisiún.
11. Forbairt leanúnach caidreamh le heagrais athchóirithe dlí eile le tagairt ar leith d'anailís chomparáideach feidhme, beartais agus modheolaíochta d'fhonn tuiscint níos fearr a fháil ar mhodh beartais i ndlínsí eile.

**NÓTA**

Tá freagracht agus cuntasacht fhoriomlán ar an Stiúrthóir Taighde as an bPríomhchuspóir seo a chur i gcrích.

---

## **PRÍOMHCHUSPÓIR 2**

---

### ***ROCHTAIN AR REACHTAÍOCHT***

Reachtaíocht ina riocht reatha a dhéanamh inrochtana gan stró ar líne don phobal, i gcomhréir le clár an Choimisiúin, agus faisnéis ghaolmhar a sholáthar.

### ***Toradh***

Achtanna athbhreithnithe ó 2006 ar aghaidh agus cinn roghnaithe eile, agus innéacsanna atá inchuadaithe go leictreonach de leasuithe ar reachtaíocht agus faisnéis ghaolmhar eile le deimhniú riocht reatha na reachtaíochta leasaithe a éascú, agus nuashonrú tréimhsiúil á dhéanamh orthu go léir. Cuimsíonn na hinnéacsanna an tEolaire Reachtaíochta de reachtaíocht phríomha agus thánaisteach agus an Liosta Aicmithe Reachtaíochta in Éirinn.

### ***Táscairí Feidhmíochta***

1. An tEolaire Reachtaíochta a fhoilsiú ar an eISB.
2. Liosta Aicmithe Reachtaíochta agus Achtanna Athbhreithnithe a fhoilsiú ar láithreán gréasáin an Choimisiúin.
3. An tEolaire Reachtaíochta, Liosta Aicmithe Reachtaíochta agus Achtanna Athbhreithnithe mar atá foilsithe ar eISB agus ar shuíomh gréasáin an Choimisiúin a choinneáil cothrom le dáta.
4. An tEolaire Reachtaíochta, Liosta Aicmithe Reachtaíochta agus Achtanna Athbhreithnithe mar atá foilsithe ar eISB agus ar shuíomh gréasáin an Choimisiúin a bheith beacht i leith caighdeán comhaontaithe infhionntaithe.

### ***Straitéis***

1. Scrúdú a dhéanamh ar reachtaíocht a achtaíodh nó a rinneadh, le gach foráil leasaithe a aithint.
2. Nuashonruithe a sholáthar don Eolaire Reachtaíochta, ina gcuimsítear liosta iomlán de gach leasú a rinneadh le deireanas, mar aon le faisnéis faoina dtosach feidhme, reachtaíocht thánaisteach ghaolmhar agus faisnéis eile, le foilsiú ar an eISB.
3. Nuashonruithe a sholáthar don Liosta Aicmithe Reachtaíochta le foilsiú ar láithreán gréasáin an Choimisiúin agus ar an eISB.
4. Comhdhlúthuithe riaracháin athbhreithnithe reatha ar Achtanna áirithe agus Achtanna i ndiaidh 2006 inar leasaíodh an téacs (seachas na hAchtanna Airgeadais agus Leasa Shóisialaigh), atá le foilsiú láithreán gréasáin an Choimisiúin agus ar an eISB.
5. Córas láidir agus éifeachtach a chur i bhfeidhm le cruinneas ábhair a chuirtear ar fáil i gcomhair a fhoilsithe a fhionnadh agus a chinntiú.
6. Na hacmhainní is fearr atá ar fáil a úsáid i dteicneolaíocht faisnéis le tacaíocht a thabhairt d'obair an tionscadail, lena n-áirítear feasacht a choinneáil ar fhorbairtí ábhartha sa réimse TF.
7. Caidreamh a choinneáil le heagraíochtaí eile atá ag oibriú sa réimse le coinneáil ar an eolas faoi aon fhorbairtí a thagann ar dhea-chleachtas sa réimse.

8. Caidreamh a choinneáil le Ranna Rialtais agus páirtithe leasmhara eile le leanúint ag feabhsú chaighdeán agus ábharthacht a gcuirimid amach.
9. Rannpháirtíocht leanúnach sa ghrúpa ríomh-Reachtaíochta agus ábhair a sholáthar atá le foilsiú ar láithreán gréasáin an Choimisiúin.

**NÓTA**

Tá freagracht agus cuntasacht fhoriomlán ar an Stiúrthóir Tionscadail as an bPríomhchuspóir seo a chur i gcrích.

---

## PRÍOMHCHUSPÓIR 3

---

### **RIARACHÁN**

Seirbhísí riaracháin chorparáidigh agus gnó chorparáidigh atá éifeachtach, nua-aimseartha agus gairmiúil a chur ar fáil don Choimisiún chun tacú lena gcuid cuspóirí a bhaint amach.

### **Toradh**

Timpeallacht shásúil oibre ina dtacaíonn aonaid riaracháin le hobair dhlí an Choimisiúin trí sheirbhísí sármhaithe tacaíochta gnó chorparáidigh a chur ar fáil, lena n-áirítear bainistíocht acmhainní daonna, bainistíocht airgeadais, tacaíocht dlí agus chorparáideach, teicneolaíocht faisnéise, agus seirbhísí leabharlainne agus faisnéise.

### **Táscairí Feidhmíochta**

1. An fhoireann, seirbhísí agus córais ag oibriú le chéile go héifeachtach le ráiteas straitéise an Choimisiúin a chur i gcrích.
2. Caiteachas laistigh de theorainneacha buiséid leagtha síos ag an Roinn Caiteachais Phoiblí agus Athchóirithe.
3. Teorainneacha an Chreata Rialaithe Fostaíochta ar líon foirne a bhaint amach.

### **Straitéis**

1. Áiseanna cóiríochta oifige sásúla a choinneáil, socruithe a choinneáil faoi athbhreithniú.
2. Ardchaighdeán seirbhís chléireachais agus tacaíochta dlí a sholáthar don Choimisiún.
3. A chinntiú go mbaintear an úsáid optamach as acmhainní daonna trí dhea-chleachtas i mbainistíocht nua-aimseartha acmhainní daonna a chur i bhfeidhm.
4. A chinntiú go ndéantar bainistíocht den scoth ar fhaisnéis le cuidiú na dteicneolaíochtaí is fearr Leabharlainne agus teicneolaíochtaí faisnéise agus cumarsáide dá bhfuil ar fáil.
5. Oibriú leanúnach agus éifeachtach chórais bhainistithe airgeadais an Choimisiúin a chinntiú.

6. Bonneagar TF an Choimisiúin a choinneáil faoi athbhreithniú agus a chinntiú go leanann sé ar aghaidh agus bonn láidir á sholáthar do sholáthar seirbhísí TF.
7. Plean um Athchóiriú na Seirbhíse Poiblí agus tionscnaimh eile Rialtais a chur i bhfeidhm.

**NÓTA**

Tá freagracht agus cuntasacht fhoriomlán ar an gCeann Riaracháin as an bpríomhchuspóir seo a chur i gcrích.

---

## SOCRUITHE MONATÓIREACHTA

---

Beidh na socruithe seo a leanas i bhfeidhm i rith shaolré an Ráitis Straitéise seo:

- Déanfaidh an Coimisiún monatóireacht agus athbhreithniú córasach ar a ndul chun cinn i dtreo bhaint amach a bPríomhchuspóirí agus na dtorthaí agus na straitéisí gaolmhara. Tá príomhtháscairí feidhmíochta leagtha amach a ndéanfar feidhmíocht an Choimisiún a mheas ina leith i gcaitheamh na tréimhse.
- Forbrófar pleananna gnó a leagfaidh amach clár bliantúil gníomhaíochtaí le straitéisí an Choimisiúin a chur i gcrích agus an méid a chuirfidh na foirne dlí agus taighde le baint amach na bPríomhchuspóirí.
- Leagfaidh na pleananna gnó seo amach go soiléir na gníomhaíochtaí ar leith atá á ndéanamh i ngach réimse agus úsáidfear iad mar bhonn le Próifílí Róil chomhaltaí foirne aonair atá ag oibriú sa réimse sin.
- Leagfar an fhreagracht agus cuntasacht fhoriomlán as sainsprioscanna plean ghnó maidir le Príomhchuspóirí faoi mar a aithnítear sna pleananna gnó ábhartha;
- Gach ráithe, measfaidh an coiste bainistíochta (an Coimisinéir lánaimseartha, an Ceann Riaracháin, an Stiúrthóir Forbartha agus Bainisteoir Tionscadail) dul chun cinn ar gach ceann de na Príomhchuspóirí i gcomhar leis an duine nó na daoine a bhfuil freagracht fhoriomlán orthu as an gcuspóir;
- Tuairisceoidh an grúpa seo ar dhul chun cinn go tráthrialta don Choimisiún ach cuirfidh siad faoina mbráid láithreach aon mhórfhadhb, bagairt nó deis a thagann chun cinn;
- Déanfar athbhreithniú ag deireadh gach bliana le haon athruithe is gá don bhliain dár gcionn a bhreithniú, a ligfidh don Choimisinéir, ar an ábhar sin, freagairt go solúbtha d'athruithe sa timpeallacht oibriúcháin;
- Cuirfidh an Coimisiún amach Tuarascáil Bhliantúil gach bliain a thuairisceoidh ar dhul chun cinn i dtreo bhaint amach na bPríomhchuspóirí agus na dtorthaí.
- Is é an Coimisiún a chinnfidh más gá aon athruithe a dhéanamh ar an Ráiteas Straitéise i gcomhair blianta amach anseo.



---

**AGUISÍN**

---

*Tionscadail atá san áireamh sa Cheathrú Clár um Athchóiriú an Dlí*

*Faofa ag an Rialtas an 8 Nollaig 2013*

1. Cionta Corparáideacha agus Forfheidhmiú Rialála
2. Nochtadh agus Follasú i gCásanna Coiriúla
3. Cionta gnéasacha in aghaidh leanaí
4. Díspeagadh cúirte agus cionta agus tortanna eile a bhaineann le riaradh an cheartais
5. Pianbhreitheanna ar fionraí
6. Coireacht a imríonn tionchar ar shábháilteacht, príobháideacht agus clú, cibearbhulaíocht san áireamh
7. Gnéithe den dlí comharbais
8. Fáil éigeantach talún
9. An dlí tiarnaí talún agus tionóntaí i dtaobh tionóntachtaí cónaithe
10. Oibleagáidí idirnáisiúnta a chur i bhfeidhm sa dlí Intíre
11. Códú/Comhdhlúthú/Simpliú an Dlí